

欽定剿平三省邪匪方略

正編

二一



欽定剿平三省邪匪方略正編卷三十五

丁巳年

四月十九日

巳丑

惠齡景安奏言

臣

惠齡前在南

召地方探聞頭二兩股賊匪有直入浙川之勢

當卽帶兵馳來以冀迎頭截剿旋於初七日行

抵內鄉縣接准秦承恩咨知賊匪數千人已竄

至商南縣屬之捻耳溝又有賊匪二千餘人直

撲商南雙樹卡現已知會慶成酌派官兵應援

臣惠齡趕緊前行一面分遣官弁確探賊匪旋

准慶成知會該提督行抵落花溝詢知商南縣
撓鈴河地方新起一夥教匪五六千人於初一

日在落花溝焚搶後向鄖陽鄖西一帶逃去今

該提督所追之賊亦向此路竄逸自必往與合

夥囑臣惠齡分兵前往會剿又據探報恒瑞興

肇等追剿第三股賊匪已至商州山陽境內之

夜村高壩店等處查湖北竄逃之賊總計不過
四千餘人復有商南五六千新匪與之合夥且
聞商州商南山陽等處向係教匪之藪今乘機
勾結恐尙不止於此復查鄖陽一帶係被賊蹂
躪之區該處崇山峻嶺艱於覓食剿辦較易得
手惟鄖陽邊界與陝省興安毗連近接漢中等
處更爲緊要而此一路賊勢較衆急須先行趕

往截剿 臣 惠齡隨飛札前派在三尖山防堵之

阿爾薩朗卽領原帶滿兵馳赴鄖西等處相機

截剿並令叅將吉林泰等另帶綠營官兵一千

名趕往接濟更恐賊匪竄向西南欲與達州教

匪暗相勾結一面飛咨宜綿等撥兵嚴防又令

舒亮自李官橋帶兵前來合剿現在賊匪大駁

旣已竄往鄖西 臣 惠齡自不便再赴商南轉落

賊後是以卽取道浙川之荆紫關徑赴鄖西迎
頭截剿茲於十二日馳抵荆紫關適 景安帶

兵在關堵截並籌運協濟陝省軍需伏思賊匪
狡獪異常竄徙無定非如當陽灌灣腦之盤踞
一處者可比兼之沿路裹脅日有增添到處劫
掠得資口食官兵雖儘力窮追究不得不稍停
炊爨現在乘騎騾馬之賊甚多旣可恣食田禾

又可搶奪更換而官馬則日需芻秣策馭易疲
是以趕剿窮追尙不若賊行之速及至抄繞截
擊賊復望影先奔本欲迎頭又成尾追

臣等焦

灼萬分惟有趁此賊匪竄入大山之時知會各
路官兵轉不必過爲緊逼隨時察看地勢設法
兜抄使其屯聚一處官兵得以散佈圍攻併力

夾擊

臣

惠齡卽倍道星馳前赴鄖陽一帶確探

賊蹤相機截剿

同日汪新奏言

臣

前因賊匪合夥由商南折入

鄖西縣境逼近郡城以襄郡西北各屬俱與鄖

郡毗連誠恐原設鄉勇未敷防堵密札飛飭各

於要隘處所多招壯勇堵守免致乘虛下竄茲

復接據王正常稟稱先經調集鄉勇馳赴鄖縣

所屬筲箕壩安設卡座探知賊分兩股來撲當

於漆園隘設伏誘賊截殺多名該匪奔退其由
樊家坪一路來撲之賊經都司郭廷樞等督率
紳勇前後夾攻殺死八十餘人餘匪逃入紅廟
嶺而去又據稟稱探得署鄖西縣知縣秦錫疇
並典史千總等先赴長岡嶺各處守禦初七日
酉刻另股之賊阻截路徑已由何家店至五里
河猝近縣治因無城垣致被蹂躪等情隨又接

准慶成札會督兵馳至距鄖西縣境九十里三
官洞地方探聞商南縣撓鈴河有新起教匪五
六千人前赴鄖境現在飛催惠齡分兵會剿等

情臣竊計日內惠齡恒瑞等分投追截賊匪自

可不致合併鄖西縣沿諒慶成到彼即可收復

惟恐大兵自北追壓賊匪勢必直向下竄臣卽

親馳前赴光化穀城均州等處稽查所設各卡

鄉勇務臻周密昨已密飭該三屬挑募健壯鄉

勇一二千名整備器械聽候調遣如續得探報

或尙有必需協助之勢

臣

卽於途次立帶鄉勇

就近馳赴防剿再查惠齡等統帶各兵目下自

已雲集商鄖交界應需糧餉軍火等項必須趕

解供支現已分委各員星夜飛輓前赴鄖郡存

貯一面飛咨慶成馬瑀等先將白郡北至鄖西

道路疏通無阻以便趨運軍儲

同日慶成巴克坦布訥臣奏言等節次自東

北豫陝邊界攔頭截剿賊匪折向西南楚省鄖

屬大山奔竄官兵途次鄖西之三官洞地方距

縣城九十餘里適據隨後趕到兵丁報稱中途

撞遇由豫省嵩縣一帶竄來第三起賊匪亦至

後路陝豫交界臣等卽擬分兵轉回迎擊又據

探路弁兵拏到活賊訊出賊目李全王廷詔由
大山內奔竄經過素習邪教之處畏脅多人今
各執一旗分作兩股滋擾李全帶領一夥由西
南大山先繞赴鄖西縣焚掠王廷詔帶領一夥
隨後抵禦官兵等情臣等聞之萬分焦急計所
帶滿漢官兵若分前後兩路未免勢單卽令各
營將備酌留一半弁兵在三官洞扼要之處紮

營防備後路竄賊臣等當卽選帶一半精壯馬

步弁兵連夜馳赴鄖西救援官兵於五更時行

抵鄖西縣北之長岡嶺知該縣向無城垣防汛

弁兵無幾初七日酉刻已被賊匪攻破占據逆

賊恐官兵追及縣北一帶稻田盡放深水創斷

道路馬步俱不能前進臣等卽乘昏夜暗從東

山小路督兵馳往該縣設立竹柵已被燒損東

西山梁雖有賊卡數處尙未知覺但見街內頭

纏白布之賊往來行走勢不能待兵齊集臣巴

克坦布德光等督率步兵臣慶成訥音德齡等

率奮勇馬兵一齊吶喊奮力衝入賊衆猝不及

防紛紛亂奔我兵鎗箭殲斃賊人甚多追至縣

南有一大河竄匪涉水奔逃對岸賊屯數處有

數千賊匪蜂擁齊來救應排列河岸放鎗抵禦

臣等督兵隔河用鎗礮擊打賊始退向南竄當

將鄖西縣收復在縣南分布扎營飛調留防後

路一半官兵前來

臣

等查看衙署縣庫監獄均

被焚燒惟倉廩未動新舊人犯二十餘名亦已

逃遁舖房民舍亦被焚掠百姓盡行逃避

臣等

差派弁兵撲滅餘火並查詢該縣文武下落傳

喚鄉保人等尋覓避賊民人各歸本業詢據縣

身三才圖之望統名三
卷
役萬明詹和等稱本縣有千總一員兵二三十
名署縣秦錫疇探聞教匪竄入本境與典史李
殿英聚集鄉勇會同千總王棟帶同兵勇赴長

岡嶺口隘堵禦初七日下午與賊打仗衝散不

知下落等語臣等卽令縣役分往賊匪擾害地

方尋覓被戕屍身內詳細識認并飛咨湖北督
撫迅派妥員帶兵勇來縣防守查明被害官民

人等及被擾居民分別辦理撫卹查賊目王廷
詔李全等分股奔竄擾及縣治實堪痛恨其自
豫陝交界竄來第三起賊匪亦係追尋其黨牽
綴官兵_臣等督率弁兵進攻山路險狹軍火糧
運尙未趕到一面飛催接續前來而鄖西迤南
山嶺叢雜賊匪最易分投折轉若僅此一路官
兵抄繞截殺此擊彼竄仍墮奸計現在剿敗各

起賊匪先後俱已西竄臣等前經飛咨惠齡分

兵前來會剿俟各路官兵趕到應卽分路兜截

設法先擒首逆使餘黨無所依恃可期早靖妖

氛

同日秦承恩奏言查頭股賊匪竄入商南經豐

伸布王文湧督率兵勇連次截殺之後賊匪向

南奔竄協領興福防禦葉布崇額等酌帶滿兵

知縣錢廷琛帶領鄉勇貢生宣述古等緊隨追
趕四月初二日趕至商南縣屬之湘河地方適
舉人命大謨捐職州同楊生芳等率領鄉勇二
千餘人迎頭截住兩路夾攻殺賊三百餘人匪
黨俱竄赴趙家沖此次鄉勇奮力打仗陣亡三
十四人帶傷六人二股賊匪經慶成等奮力追
剿亦竄至趙家沖與頭股會合一處俱竄往湖

北鄖西縣界慶成等亦卽跟蹤追剿探聞惠齡

現帶官兵趕到內鄉臣已飛咨迅由商南進發

與慶成等會同兜剿惟查鄖西地方與興安府屬

之白河洵陽二縣毗連誠恐官兵追至鄖西賊

匪偷渡漢江由白河洵陽竄至興安卽可越赴

四川與達州匪徒會合所關甚重臣隨於興安

防兵內酌抽弁兵並飭該縣等多雇鄉勇在緊

要隘口幫同嚴密防堵一面飭將漢江北岸船隻全數收歸南岸杜其偷渡入川之路但兵力究屬單薄而商州地方正值剿賊喫緊之際斷不能分兵前往

臣

現在催調山西官兵趕緊行

走一到陝境卽令由商雒一帶徑赴洵陽白河等縣防堵如賊匪由此路逃竄正可迎頭截剿其三股賊匪現已竄至山陽縣屬之高壩店恒

瑞等所帶官兵總可於賊匪未至之前先行趕

到迎面進擊臣於十二日據探弁稟報商州山

陽交界之西牛槽等處有匪徒聚集多人乘機

竊發臣思此等匪徒必係楚匪暗相勾結亟須

趁其初起趕緊撲滅免致輾轉勾連且恐與大

股賊匪竄合是以卽親帶兵勇星往剿辦俟後

路一清卽趕赴山陽與恒瑞等協剿均奏入

上命軍機大臣傳諭宜綿惠齡慶成秦承恩汪新曰
慶成奏賊匪向鄖屬大山奔竄卽乘夜帶兵攻剿
收復鄖西縣治固爲出力但鄖西本無城垣賊匪
見官兵進剿卽行奔竄而賊首仍未拏獲不足爲
功究竟賊匪現竄何處慶成等如何設法追剿未
據奏明豈有任賊西竄不行截住之理其恒瑞等
追剿第三股賊匪據秦承恩奏現已竄至商州山

陽縣地方恒瑞曾否繞至賊前迎頭截殺亦未據
奏及惠齡等所稱賊到處刦掠得資口食驟馬可
隨處恣食田禾而官馬日需芻秣是以不若賊行
之速等語亦不過以此藉口預爲站脚地步卽或
有此等情形惠齡等祇當存之於心斷不可出之
於口不特兵丁等不可令其聞知卽帶兵將領前
亦不可稍露此意使之心生懈弛各處調集官兵

原以追剿賊匪今賊人四路奔逃而官兵總落賊
後又安用此官兵爲耶惠齡等係統兵大員寧不
當設法兜截若因賊匪出沒無定難以堵剿待其
自縛有是理乎此時賊匪已竄入鄖西該處本係
曾經被擾之區崇山峻嶺難於覓食現據惠齡等
奏已馳赴鄖陽一帶確探賊蹤截剿是尙未得賊
由鄖西西竄之信而言今慶成等亦由鄖西追捕

正當乘賊匪窮竄深山堵其要隘併力兜擒斷不
可惟事尾追又致乘間逃竄或與達州之賊合夥
倘惠齡等仍前疎玩予賊以暇伊等自思當得何
罪耶又據秦承恩奏官兵在商南追剿賊匪情形
皆係賊匪初入商維之事聲敘繁冗徒亂人意惟
商州山陽交界之西牛槽地方有匪徒乘機竊發
秦承恩已帶兵先往剿辦務須趁其初起及早撲

滅不可任其輾轉勾結汪新奏賊匪復擾鄖境伊

現往光化穀城防堵倘有需協剿之處卽馳赴鄖

陽等語所奏亦屬張皇鄖西一帶已有惠齡慶成

等在彼帶兵堵截而劉君輔馬瑀亦先後馳赴何

須汪新再行前往况襄陽地方緊要今僅總兵徐

昭德等在彼駐守未足以資彈壓汪新竟當卽回

襄陽督防並籌辦軍火糧餉務期無悞軍行所有

鄖西文武各員是否被害着汪新查明具奏至陝

境賊匪現已由鄖西縣西竄難保其不偷越入川

宜綿等此時若已將金莪寺等處賊匪剿竣卽當

同柯藩帶領勝兵迎頭截剿倘達州賊匪未能卽

淨宜綿難以分身或先令柯藩帶兵迎赴洵陽鄖

西一帶俾賊不敢再向西竄以便聚而殲洗再阿

爾薩朗舒亮俱已先後帶兵馳赴鄖西此時賊匪

又已西竄伊二人會否繞至賊匪之前迎頭截剿

至第三股賊匪恒瑞等又抵何處堵截現在是否

亦與前兩股賊匪會合若俱竄合一處則惠齡等

當乘此兜剿淨盡或現在西竄賊匪竟乘間由興

安竄至達州合爲一夥惠齡等斷無中途撤回之

理自必帶兵跟蹤追剿可與宜綿等會合夾擊賊

匪又何路奔竄耶

二十日

庚寅

秦承恩奏言查湖北頭二兩股賊匪

因被追緊急竄赴鄖西已有慶成等前往追剿

三股賊匪屯聚山陽縣屬之高壩店亦有恒瑞

等帶兵進剿但賊匪行蹤詭秘出沒無常現在

山陽之賊既未剿除而竄往鄖西之賊又恐其

由白河洵陽一路竄至興安越赴川省在在需

兵堵截且商州山陽交界之西牛槽等處爲楚

匪暗行勾結現有匪徒乘機竊發臣因所調官

兵屢催未到而前調滿兵四百名已酌撥三百
名前往山陽防守是以現祇帶兵二百名鄉勇
二百名前來剿捕亦須添撥弁兵抄路夾攻以
期迅速撲滅是陝省此時需兵之處甚多總兵
富爾賽帶領西寧等鎮兵五百名已於十二日
兼程來省計一二日內可抵商州所帶兵丁隨

後亦可趕到應請將此項官兵卽留于陝省協

剿

同日京畿道監察御史宋澍奏言查湖北賊匪滋擾起事之初不過數千人一年以來經該督撫等痛加剿戮不下數萬人上年畢沅等奏稱賊勢窮蹙請撥餉辦理善後事宜自應指日可以蕨事乃未及數月復竄豫境又復竄入商南

前後所奏迥不相符且景安在南陽一帶防守
已逾一年何以逃竄之賊不能堵禦秦承恩在
興漢一帶來往督剿何以武關之險轉不設備
在該督撫等受

恩深重委任封疆如果意存觀望豈復尙有人心但
該督撫等各守疆界意見稍有不同則往返札
商易致遲悞兵力偶有不齊則顧此失彼轉多

疎漏均屬情事所不免查現在賊匪情形各處
奔竄勢甚散漫地連三省不得不分路攻剿必
須酌量地方急緩察其來蹤去路併力合圍殲
其渠魁方可散其餘黨剿撫兼施以爲善後之

計現在內外大臣中明白機宜可以秉承

睿謀不致措置失當者俱在

聖明洞鑒之中合無恭請

皇上專派一人督辦軍務令三省官兵聽其調度呼
應較靈可以相度形勢兼籌緩急賊匪烏合之
衆諒無難尅期殄滅抑臣更有請者我

皇上平定伊犁金川諸大功其時領兵大員有稍失

機宜者無不立予懲治功成之後乃加懋賞此

次教匪原非伊犁金川可比軍興以來自督撫
以及文武員弁格外邀

恩者不下數千百人我

皇上原於鼓舞之中示愧勵之意乃該督撫等不能

仰體

聖心以致么磨小醜旋滅旋起應請

旨飭令現在司事各大臣將賊匪情形及所以不能

尅期掃除之故據實明白回奏恭候

聖裁簡員督辦諒該督撫等自不敢顛預隱飾致干

重譴均奏入

上命軍機大臣傳諭宜綿惠齡慶成秦承恩曰秦承
恩奏請留西寧官兵在陝協剿自應如此辦理惟
閱所進圖內北面一帶有興肇及秦承恩帶兵堵
剿商州之西有恒瑞防堵鄖西有慶成等追剿南
面則劉君輔馬瑀亦已先後到彼商州東面有惠
齡帶兵迎截聲勢尙爲聯絡惟西南一帶尙覺空

虛恐賊匪乘間竄過興安與達州賊匪合夥關係

緊要昨已降旨令宜綿等酌量情形或先令柯藩

迅卽迎赴洵陽鄖西一帶堵截適據御史宋澍奏

該督撫等各守疆界意見不同請專派重臣辦理

等語剿捕教匪事宜本應有大員總統但大臣中

福康安尙習軍旅威望素著業經病逝而阿桂又

已年老任使實無其人是以上年因永保辦理不

善特命惠齡總統軍務未嘗不予以事權乃惠齡
任事以來初時尚覺黽勉近來因賊匪東奔西竄
竟無運籌制勝之處今經御史陳奏伊等寧不自
知愧勵耶著將宋澍原摺抄寄閱看試令自問更
有何顏至秦承恩旣聞賊匪滋擾商維之信自應
由興安一帶就近取道商州乃繞赴藍田未免紆
緩秦承恩究係書生且所帶之兵無多亦不得不

畧加持重朕故不加深責勿謂朕不知也惠齡係
總統大員尤當先事豫籌速爲策應所帶兵亦不
少乃自襄陽繞至南召前赴內鄉浙川行走稽延
總落賊匪之後尙不如慶成恒瑞等猶能跟蹤尾
追惠齡著傳旨嚴行申飭倘復仍前疎玩失此事
機以致賊匪又竄至興安一帶或與達州之賊同
竅則永保卽前車之鑒並當將伊加倍治罪至西

南一帶著惠齡於恒瑞慶成諸人中擇其奮勇向前者酌派一二人帶兵由間道速往堵防以遏賊匪西竄達州之路務在酌量情形調度得當不可坐失機宜致干咎戾

二十一日

辛卯

宜綿明亮德楞泰奏言查金莪寺

清溪場兩路賊巢地勢雖俱陡峻而清溪場局面較小屯賊不過四五千入若金莪寺則南北

西三面皆係危崖峭壁惟東面冉家埡口稍覺
平行稻田環繞水深沒膝由小路盤旋而上山
頂寬廣約三十餘里週圍樹立木城木城之內

又有土墻一道高有丈餘包絡山峰十一座寨

勢甚爲險固屯賊二萬餘人二十七日大霧瀰

漫清溪場之賊來撲清溪口營盤經柯藩明興

督率叅將王清弼等帶領兵勇出營截殺殲斃

甚多金莪寺賊衆亦撲中山頭大卡經守備張

東林竹谿縣典史道玉琨督率兵勇竭力堵禦

賊匪恃其人衆不肯卽退臣等卽派總兵達音

泰巴圖魯侍衛溫春阿那保等帶兵馳赴中山

頭助剿賊衆見我兵繞出其後始行退却張東

林等帶兵乘勢壓下達音泰等迎頭截殺共殺

賊二百餘名生擒張順等二十三名奪獲大礮

鳥鎗刀子等件餘賊卽翻山逃至重石子嗣後
霧雨不時賊匪分撲各路營盤均被官兵剿退

臣等密相計議賊匪見官兵圍逼漸緊糧食將

盡不能出外擄掠自分必死是以屢次恃衆衝

突但兩處賊巢附近周圍二百餘里若必步步

設卡圍堵始行攻剿兵勇不敷派撥且亦擔延

時日若莫趁我兵屢勝分投攻取巢穴使之進

退失據剿辦似易爲力因密行知會各路約期

並舉四月初三日天色稍霽柯藩明興等自清

溪口攻清溪場之西觀成等自東鄉攻清溪場

之南奎舒等自姚家壩攻其東也等復派達音

泰等帶兵自馬耳峰攻其北賊匪毫不畏懼經

守備楊萬年等率領奮勇兵丁鄉勇李子青羅

士舉李子秀等首先躍上木城砍開寨門兵勇

一擁而入賊人捨命抵禦楊萬年及千總陳尙
賢外委初紹堯古萬龍皆身受重傷殞命都司
達自祥土遊擊安朋鄉勇李子秀亦經身受鎗
傷殺斃賊人一千餘名生擒賊首王學禮奪獲
鎗礮軍械無數遂奪清溪場賊寨其攻打金莪
寺之索費英阿等由雞爪嶺進兵艾如文等由
張家碛進兵穆克登阿等由余家岩進兵副都

統銜西津泰等由姚家寨進兵五路會攻冉家

壩口賊卡

臣

明亮德楞泰帶領侍衛巴圖魯等

繼進查冉家壩口爲金菽寺門戶賊人拒守甚

堅千總郭德元王大倫把總馬玉成外委胡得

貴余正明從九品職員熊鈞衡等奮力奪卡皆

被礮傷陣亡我兵人人憤怒奮勇齊進賊匪不

能抗拒棄卡而逃我兵佔住冉家壩口距賊巢

集三不...
尚有五里皆自下仰攻臣等因該處離大營稍

遠恐兵丁心志不固一面用大礮轟打賊寨一

面自馬耳峰往下連扎木城十四座直接冉家

壩口時天已昏黑金莪寺賊匪見官兵扼其咽

喉賊巢諒不能保賊首王三槐等帶領强悍賊

匪數千人下山攻撲木城賊首徐添德等潛率

老弱婦女由山後僻處滾崖而下偷赴重石子

初四日五鼓我兵正在上山攻打賊巢王三槐等自高壓下勢甚洶湧我兵無不以一當百刀矛亂下賊衆大潰除殺斃不計外生擒一百三十五名所得糧食什物分賞出力兵勇搶獲大礮三十六位鳥鎗二百餘桿刀矛軍械五百餘件存貯備用當將金莪寺賊寨燒燬臣等酌留索

費英阿暫住搜山臣德楞泰督同西津泰朱射

斗艾如文等分路追剿徐添德等逃竄之賊沿途擒殺七百餘人柯藩明興亦自清溪場帶兵邀之陰洞殺死賊匪二百餘人搶獲大礮八位軍器一百餘件觀成帶兵邀之淺灘子亦殺死二百餘人王三槐等欲由羊列子過河竄往新寧穆克登阿督同副將達桑阿帶兵邀截於鹽店子殲斃及落水者約數百人王三槐等竄入

重石子賊營查該處及香鑪坪賊黨尙不下二

萬餘人^臣等現在四面圍逼務期設法擒拏首

惡仰紓

聖廕至王學禮一犯訊係與徐添德同時起事偽封

軍師現擬暫行羈押俟拏獲徐添德等一同解

京連次出力文武員弁查明開單請

旨加恩其陣亡受傷兵勇另行造冊咨部賞卹

宜綿又奏言竊臣接奉

諭旨令明亮卽輕騎減從速赴襄陽一帶幫同惠齡

剿辦臣仰蒙

皇上簡任封疆並飭辦軍旅重務何敢稍存推諉之

見緣明亮自幼與臣同學又在金川軍營及新

疆共事多年情分最爲親切無事不以至誠相

待本年正月內欽奉

諭旨令偕德楞泰同來川省軍營明亮抵營後感

恩自奮事事與臣和衷商酌一月以來親歷賊巢布

置周密實爲臣所不逮今奉

旨令明亮馳赴襄陽臣自當竭力辦理惟是此地情

形有不敢不直陳者查川省匪徒非獨邪教凡

鹽梟咽喉匪亡命之徒皆乘時聚集其中兇悍狡

黠較之鄖陽興安等處邪匪尤爲可惡而川東

一帶跬步皆山無山不險隨在俱可藏身賊人

生長其地熟悉形勢翻山越險捷如飛猱路徑

分岐處處可通臣所帶陝甘兵及明亮德楞泰

帶來川滇各兵雖有萬餘而週圍數百里若步

步設卡圍堵仍復不能嚴密隣近各省有應辦

之賊別無可調之兵奏請添兵徒煩

聖慮惟有就現有之兵隨時相機設法籌辦以冀漸

就削平今金莪寺清溪場兩處賊巢雖經攻破
而賊匪先後逃往重石子香鑪坪者仍有二萬
餘人勢尚猖獗又與巴州之王家寨方山坪兩
處賊寨相近現在夔州府屬大寧縣之九龍池
等處復有匪徒蠢動臣與觀成英善熟商派遣
員弁團集鄉勇前往剿堵是川東一帶邪匪伏
而未動者正復不少明亮未及成功忽又他往

愚民不知撤回之由又疑別省有緊急之事謠

言亂布宵小生心所關匪細臣前聞襄陽逸匪

竄赴河南漸逼陝境陝西兵丁多赴川楚存營

無幾當卽飛調寧夏總兵吉蘭泰金塔協副將

富成帶領寧夏西寧肅州三處官兵二千名又

派循化撒拉爾老教回民二千名飭令迅赴西

安聽候撥用又據商州商南先後稟報楚匪已

竄至商南雒南境內臣聞之不勝焦急甘肅兵

丁路遠恐未能急到隨于帶來陝甘兵內抽撥

一千五百名交柯藩艾如文迅速帶回陝西剿

堵似可無虞川省軍務此時正當萬分喫緊之

時未便顧彼失此况明亮前此厯任川省將軍

提督於地方情形素所熟悉此次周厯營卡相

度形勢指示一切機宜鎮將共知稟承實於川

省軍務有益臣不揣冒昧仰懇

皇上恩施暫留明亮在川將重石子香鑪坪等處賊

匪趕緊剿洗擒獲首逆臣卽與明亮德楞秦率

得勝之師由陝取道截剿務將賊匪殲盡以靖

地方

同日英善奏言查陝甘官兵由太平至東鄉而

苗疆之川滇凱旋兵丁亦皆撤來剿賊軍營驟

添多兵一切糧餉軍火需用較繁不得不寬爲

籌辦葯彈弓箭等項節經臣飭令省標各營寬

爲製造源源運營現值平苗事竣秀山一帶尙

有存留軍火各項業令藩司林儁查明實數委

員分起運回由忠州一路赴達較爲便捷附近

達州各州縣倉穀將次碾完此時派碾穀石不

得不由近及遠查自軍興以來陸續派令各州

縣碾過穀三十餘萬石凡在達州西者以營山
爲總運臺達州以東者以忠州爲總運臺均各
派員總理專司收發並委州縣佐雜等官分安
各臺以資輓運其營山忠州以上道路平坦自
應遵照軍需定例以一百里爲一站自營山忠
州以至軍營均係山路崎嶇且距賊巢漸近不
得不量爲變通以六七十里或四五十里爲一

站處幾朝發夕至聲氣方能聯絡每站各安設
夫一千名五六百名不等轉運糧餉軍火軍裝
可期無悞附近東鄉一帶百姓大半充當鄉勇
並須保護村庄雇夫較難臣已先飭遠處州縣

雇募里夫前來分安各站供役均照例給以安
家路費到日給予口糧工價回空折給口糧空
閒之日祇支口糧不支工價每三十人搭蓋棚

卷之三十一 牙圍之學 新卷之三十一

房一間隨營長夫亦照例每十名賞給帳房以
資棲止馳遞文報塘馬已令正塘添足三十匹
腰塘十五匹均各派員點驗不許以疲瘦充數
今春雨雪稍多各處橋梁均令逐一修理俾通
糧運而利軍行官兵需用馬匹達州向不出產
均由附近州縣雇用料豆等項亦令運糧各州
縣一體採買運供達州新寧東鄉太平巴州等

處被難人民臣仰體

皇仁悉照黔楚之例搭蓋棚廠分別大小口隨時撫

恤其達州新寧太平境內業就肅清居民漸歸

本業現值東作方興該民人等籽種口糧牛具

房屋蕩然無存情堪憫惻除飭地方官酌借籽

種牛具以資耕作外合無仰懇

天恩俯准按照湖北陝西之例以復業之日爲始無

論極次貧民概行賑卹三個月折色口糧被焚

房屋分別給予修費

臣

業經派員逐一查辦並

不假手吏胥俾沾實惠其精壯難民有願充當

鄉勇站夫者均聽其便卽扣除口糧以歸覈實

同日倭什布奏言據署山陽縣高肇普稟報本

月初四日訪聞縣屬峒峪河楊家溝地方有竄

人教匪勾結起事之信當卽帶領丁役督率鄉

勇生員王國輝等卽於是晚密赴該處拏獲胡
老四王萬青徐明朱光興楊孟起夏有兒等十
六人並搜獲黃綾大小旗六桿矛子三十二桿
訊據該犯等供稱有竄入之湖北興國州人張
會遠前來約令四月內起事並有同教之洪勝
遠徐大明胡勝海等分往鄖西鎮安藍田等縣
勾結等語除飭將各犯嚴加審訊盡法處治務

淨根株一面飛飭鄖西鎮安藍田等縣協拏餘
黨速就弋獲不得仍留遺孽均奏入

上命軍機大臣傳諭宜綿明亮慶成秦承恩曰金莪
寺等處賊匪負嵎固守經宜綿等督率將領分路
進兵先將清溪場賊寨攻克隨將金莪寺賊巢燒
燬拏獲賊目一名殲斃多賊所辦可嘉此次宜綿
與明亮和衷商辦而分路帶兵各員打仗殺賊均

屬奮勉宜綿明亮著各賞給金盒白玉搬指大小

荷包德楞泰柯藩各賞銀絲盒玉搬指大小荷包

觀成穆克登阿各賞碧玉搬指大小荷包奎舒達

音泰索費英阿朱射斗艾如文西津泰各賞搬指

大小荷包以示獎勵其餘文武各員俱著咨部議

敘所有躍入木城砍開寨門之兵丁等著查明首

先奮勇出力者卽超補千總餘俱以把總外委酌

量拔補其陣亡之守備楊萬年千總陳尙賢郭德
元王大倫把總馬玉成外委祁紹堯古萬龍胡得
貴余正明從九品職員熊鈞衡俱著咨部加二等
議卹打仗兵丁俱著賞給一月錢糧其受鎗傷之
都司達自祥土遊擊安朋等想已調治平復如能
始終奮勉亦著以應陞之缺陞用又據宜綿奏請
留明亮在川協同搜捕伊二人能和衷共濟以軍

務爲重尤當倍加奮勉上緊剿辦昨因陝省竄匪
逃至鄖西地方該處西南一帶路通興安達州兵
備空虛曾諭令宜綿酌量情形或先派柯藩帶兵前
赴洵陽鄖西一帶遏其西竄之路今宜綿等於未
奉諭旨前已抽撥兵丁令柯藩艾如文帶赴陝境
堵剿適與昨旨相合甚爲可嘉此時鄖西賊匪經
官兵追剿緊急設欲往興安一路西竄柯藩等正

可截殺或能將賊首擒獲卽係柯藩艾如文二人之功至所稱川省匪徒非獨邪教並有鹽梟咽喉匪乘機聚集此等匪徒乘機搶掠原所不免但川省咽喉鹽梟在在久有現當剿捕之際若再行紛紛查拏誠恐去而從賊更有關係宜綿等惟當酌量妥辦除臨陣殲殺外如有自行投出者卽當酌量解散安插俟軍務告竣再行酌辦不可稍露此意

又據倭什布奏山陽縣地方有竄入教匪勾結滋

事自卽係秦承恩所奏之西牛槽竄聚匪徒業經

秦承恩親往剿辦其署山陽縣高肇普帶領兵勇

密赴該處拏獲賊匪十六名雖屬無多尙爲奮勉

高肇普如果始終勤奮著秦承恩酌量以應陞之

缺陞用又據稱訊之獲犯供有湖北興國人張會

遠前來約令四月內起事並有同教之洪勝遠徐

大明胡勝海分往鄖西鎮安藍田等縣勾結等語
鄖西地方現有慶成等帶兵在彼追剿而鎮安藍
田等縣均係未經滋事地方斷不可任其又有勾
結此事何以未據秦承恩奏及著秦承恩慶成及
恒瑞興肇等務須設法搜捕按名拏獲惠齡此時
諒已早抵鄖西當密查勾結之犯嚴拏務獲其小
陽糾聚匪徒現據宜綿等奏已派寧夏西寧等處

官兵二千並派循化撒拉爾老教回民二千前赴
西安聽候調撥兵力已爲厚集况秦承恩從前曾
在孝義川等處查辦教匪該處情形諒所熟悉務
須趁其起事之初及早撲滅不可稍有遲緩現在
興安一帶已有柯藩艾如文帶兵迎截秦承恩於
山陽賊匪辦竣卽應在陝境興安商雒一帶就近
彈壓防守不必遠赴鄖西致難兼顧

上諭內閣曰四川達州新寧太平等處前經教匪滋
擾民人籽種口糧牛具房屋多被殘毀殊堪憫惻
除飭令地方官借給籽種牛具外著加恩照湖北陝
西二省之例以復業之日爲始無論極次貧民概
行賑卹三個月折色口糧其被焚房屋並著分別
給與修費英善等務須飭委妥員詳悉查辦盡力
撫綏俾得均沾實惠

二十二日壬辰額勒登保福寧奏言查芭葉一山

係鶴峯州建始縣巴東縣三交界之地臣等暫

行劄營在鄔陽關緊逼芭葉山尙在鶴峯州境

內其建始縣一路先令綸布春諸神保張廷彥

同巴圖魯侍衛等趕赴枇杷塘官店口要路截

擊嗣據報稱於初二初三等日節次迎賊

打仗殺斃甚多已將路通建始之緊要山梁分

劄營卡惟山勢紛錯賊人尙敢不時潛出撲卡

均被官兵擊退臣等所駐之鄔陽關可通鶴峯

州之路甚多賊匪連出奪路並於苦竹園以下

官兵搭橋渡溪之所希圖搶佔橋梁劫奪糧食

臣等督率官兵連日擊殺賊匪被鎗箭及淹斃

者無算要路亦俱劄住並生擒賊目偽叅將袁

志武偽千總秦大進及賊匪丁美卓等二十三

名又各路陸續擒獲賊匪何本淮等十九名并

有假裝攜筐賣菜及假充人夫潛來探聽官兵

消息者

臣

等逐一嚴究僉供首逆林之華覃加

耀等尙俱藏在芭葉山因官兵搶箭利害躲匿

民房不敢出來另有賊目沿山搭蓋草棚築砌

石牆與官兵打仗尙思抵死拒守等語當將該

犯等凌遲梟示至枇杷塘一帶恐諸神保等兵

力尙單堵剿或不敷用臣等商酌福寧在鄆陽

關督率副將張持等相機攻剿額勒登保於初

五日由鄆陽關至逼近芭葉山之車埠頭上白

沙杉木橋一帶小路進剿該處山勢忽斷忽連

偏坡陡坎下臨溪澗倨仄無容足之地官兵攀

援登陟行至十數里之外賊匪竟敢吹角集衆

蟻聚山頭放鎗擲石臣額勒登保卽飭薩克坦

布等并兵丁三百餘名依山蹲立賊人吶喊下山被我兵連放鳥鎗紛紛倒斃官兵乘勝追趕箭射多賊餘匪竄逸卽令分兵在該處拏卡

臣

額勒登保仍帶兵前行又於上白沙山梁見賊一百餘人在山坳焚燒民房當卽飭兵趕擊賊慌張逃竄滾山跌斃中鎗死者男婦二十餘人時已將晚卽於山梁駐劄次早到枇杷塘與諸

神保等會合查得枇杷塘以外之亮林子青石
岩水沙溝等處亦係賊匪可出之路遂於初七
八九等日督率綸布春諸神保巴圖魯侍衛等
分兵前往亮林子一帶躡探尙無賊匪當卽接
遞駐卡前至水沙溝沿山賊匪正在砌築石牆
婦女搬運石塊綸布春先率領官兵等一齊搶上
山坡剿殺五六十人當卽指令諸神保於該處

山梁扼要處所分紮卡座至水沙溝以上爲高

嶺頭蠻路口雄虎山係巴東縣所屬與金雞口

相距二十餘里臣等前令慶溥由金雞口通鄔

陽關之一路分紮營卡堵截賊匪令關騰由金

雞口分兵拏卡堵御巴東一帶要路關騰等

路之兵連日沿途剿賊十一口接拏營卡直至

蠻路口高嶺頭已與諸神保駐營之青石岩聯

緒是賊匪等業經官兵四面截圍斷不能久延
殘喘至將軍成德前經留駐後路麥莊一帶以
防竄匪今金雞口各處營卡業已嚴密已札致

成德前來鄆陽關之斑竹園駐劄與臣福寧協

同剿賊至軍糧軍火關係緊要恐金雞口相距
長陽長樂兩縣山險路遙趕運不繼臣等初抵鄆

陽關時卽當飛飭鶴峯州建始縣兩處設法

運供近經該州縣趕緊辦理業已陸續趲運到
營合之金雞口一帶轉輸已可無虞缺乏再自
金雞口至天池口直抵滋邱道路綿長且係糧
運緊要之路不得不加意防範已令文圖往來
稽查以昭慎密其黃栢山至芭葉山賊匪經過
之處約有三百餘里該處重山疊嶺地極苦寒
居民本屬稀少賊匪於官兵沿途追截剿殺之

時亦未能肆行蹂躪如燕子岩車篷簸箕荒麥
莊富家堰紅沙舖鐵廠沙河以及隆坪陳塘坳
九里坪金雞口要路處所間有被燒房屋並搶
去包穀食物之家又有賊匪未到驚散逃避之

戶_臣等先已到處安撫俱經各歸本處照舊安

業其居民房屋半係木片搭蓋並草房居多_臣

等於被燒房屋之家每戶給銀一二兩令其搭

蓋棲身其被搶糧食民人一時無以餬口現俱
按戶酌散口糧俾資果腹各該處山地種植麥
苗包穀均已長發恐兵丁人等或有踐踏亦經
嚴飭帶兵將領隨處管束毋許稍有擾害

同日畢沅姜晟鄂輝奏查湖南軍務告竣

臣

等昨將兩廣應撤官兵於各分防營卡內陸續
抽換廣東應撤四千七百七十餘名廣西應撤

一千八十餘名均經分定起數交該管員弁帶
領起程回粵行至辰州適接明亮德楞泰來咨
達州東鄉一帶現值剿捕吃緊之時囑將此項
廣東兵內挑出三千名並將廣西應撤官兵一

千餘名迅速派赴協剿

臣

等當挑選得廣東壯

健兵三千名分作四起起令高州鎮總兵木騰額
叅將岳廷極明善文文等管領廣西兵一千餘

名分作兩起令新泰協副將官保遊擊吳玉貴
劉惟馨伯明等管領查自辰州至川省秀山向
有北河一道雖水小灘多但此時正值山水初
發之時沂流而上尙不費力計程十日可達秀山

臣畢沅姜晟已將應用船隻預備齊全並念該
兵等從征兩載今於凱旋途次折赴四川自應
加之體恤每兵各借給銀三兩畧爲整頓衣履

其所需行裝鍋帳等項亦已按起量給並飛傳
川省秀山入境之站以至達州務卽妥速預備
均奏入

上命軍機大臣傳諭額勒登保福寧曰額勒登保等
奏官兵攻剿芭葉山打仗殺賊情形所辦尙好芭
葉山要隘處所俱已接拏營卡官兵聲勢聯絡賊
匪勢益勇蹙額勒登保等務須同心合力迅速集

事一俟該處剿捕事竣額勒登保應卽帶領勝兵
速赴鄖西一帶幫助惠齡等合擊福寧卽速回川
省辦理善後至所奏安撫難民並酌散口糧一節
俱屬妥協再黃栢山地方前據額勒登保等奏在
長陽縣界內現又據稱芭葉山在鶴峯建始巴東
交界檢閱輿圖鶴峯州在黃栢山之西南建始則
在黃栢山西北隅巴東則在黃栢山之正西北相

去路徑南北隔絕賊匪在黃栢山經官兵剿散後
究從何路竄往芭葉山鄔陽關枇杷塘又在何處
係何州縣所屬摺內未經詳敘茲特照輿圖約畧
繪出發交閱看圖內方向是否符合著額勒登保
等詳細查對另繪准圖並將芭葉山等處地名方
向粘簽貼說進呈披覽

上又命軍機大臣傳諭宜綿明亮德楞泰畢沅姜晟

鄂輝曰畢沅等接准明亮等知會將粵省應撤官兵改赴四川協剿當卽挑選分起赴川此項添調兵丁想係明亮德楞泰初到達州時見賊匪佔據險隘人數較多因與宜綿商酌知會畢沅等將應撤粵兵改派前往何以明亮等節次摺內並未奏明此事昨據宜綿等奏到清溪場金莪寺賊巢業經官兵攻克逆首徐添德等竄往重石子等處勢

甚窮蹙與明亮初到時情形已屬不同原無須遠
調粵兵赴川協剿但畢沅等業已派撥起程計此時
已入川境該處多添一兵卽多得一兵之力於剿
捕亦爲有益重石子香鑪坪及王家寨方山坪屯
聚賊寨諒不若金莪寺清溪場之險峻今又添此
生力官兵軍威壯盛宜綿明亮等務須倍加奮勉
將竄聚各處之賊悉數殲除毋得再有遲緩至粵

兵從征日久今於撤回時復派赴川省整頓行裝
不無需費畢沅等所奏每名各借給銀三兩之數
著卽加恩賞給以示體恤

與翁五日入令飲熾回湖身湖並出亦遠題宜業

不無謂與畢亦與池養許谷許餘城三師之姓

昔職味恩賞錄以示歸無誤為之檢檢今又添此

捕亦為心益看有字書筆呼改王其書外約書

之天川城書遠安城一夫即委付一夫一夫

謂彼之與此則曰無事無事也其後之書其地

其地之與此則曰無事無事也其後之書其地

欽定剿平三省邪匪方略正編卷三十六 丁巳年

四月二十三日 癸巳 恒瑞奏言賊匪自聞官兵抵

商卽潛向山陽縣境內逃奔 臣 同碩雲保富成

帶兵趕赴山陽此處界連鎮安路通興漢賊人

恃山徑紛岐得以往來焚掠任意裹脅 臣 派令

候補同知陳祁雇募鄉勇凡可通鎮安各要隘

逐一嚴堵 臣 等於十四日進抵磨溝探得賊匪

在周家河屯聚遂于十五日丑刻督兵進發黎

明趕至賊屯賊匪見官兵逼近即率夥眾捨命

直撲官兵鎗箭齊發經碩雲保連射三賊富成

射死執旗賊目一名賊始敗退臣等帶兵追殺

賊匪奔上山梁復行排列擲石吶喊臣等率同

巴圖魯侍衛等分三路仰攻直上賊匪力不能

支旋復敗走臣等追過山嶺數里沿途殲斃及

落澗墮崖者統計七百餘人生擒賊目張思誠
龔世富並賊夥九十三名訊據供稱此股賊匪
係姚之富帶領自湖北逃竄時止有一千餘人
近日隨處裹脅並同教入夥者有三千多人本
欲向鎮安一路奔竄因被官兵截殺他們又向
東去等語餘無要供均卽正法臣等正欲向東
追剿適據差探弁兵報稱又有一股賊匪自南

而來直奔縣城臣聞信卽星夜折回磨溝口十

六日卯刻行抵縣東十里舖正相迎遇賊人竟

悍異常公然與官兵迎敵臣等當卽督令馬兵

回前衝殺步兵繼進遠用鎗箭近用刀矛立斃

賊匪二百餘人賊人分投亂竄卽棄馬爬越大

山官兵亦棄馬攀援追殺殲戮多賊生擒高維

功等二十三名訊得此股係由郿西奔竄至此

內有頭目王李三姓或卽王廷詔李全亦未可

定臣現在所帶山東戰兵不過二千餘人難以分

路進剿惟有一面差探何路賊匪尤爲緊要先

行竭力剿辦再此次西安防禦巴圖魯扎勒杭

阿首先衝入賊隊射死賊人數名身中矛傷陣

亡又健銳營委前鋒叅領烏勒興阿西安防禦

噶勒炳阿俱受重傷身故頭等侍衛丑保頭帶

石傷一處西安驍騎校祿成右脅中矛傷一處

俱不甚重其餘傷亡弁兵俟查明另行咨部至

此次官兵剿賊俱屬奮勉除健銳營翼長七十

五頭等待衛丑保均係三品已蒙

賞給巴圖魯名號其餘各營官兵擇其尤為奮勇者

開單呈

覽可否量予鼓勵出自

天恩

同日興肇奏言臣于初十日馳抵澇峪口詳察

形勢扼要拏卡防堵次早復於十里內外察看

路徑距澇峪口迤西十餘里有塔寺溝一道亦

係通衢臣亦抽兵往防十二日接據秦承恩札

稱澇峪口之東干河溝地方現已派撥鄉勇嚴

防須當就近留意臣卽抽兵暫赴該處協同把

守臣不時往來嚴查十五日酉刻據偵探賊蹤

兵丁稟報適在山巔瞭望西面山外見有賊數

百人向北而來臣卽帶領協領富魁等率兵繞

過繡花嶺抄截派令健銳營翼長富廉前鋒抄

伊長阿率領馬步兵丁前會駐劄塔寺溝之協

領喜卜產合兵迎擊臣及富廉尙未到牛圈溝

隔嶺聞有鎗礮之聲知係喜卜產在彼迎擊臣

同富廉卽先帶兵馳騁前往正值賊匪抵禦我
兵先用鎗礮轟擊數人賊復舍命撻鋒前來富

廉卽率馬兵一齊拍馬衝入賊隊首先殺賊二

名指揮兵丁鎗刺刀砍立斃賊十數名步兵繼

又趕至刀矛並舉復殺賊十餘名賊後隊已經

驚走適那全所帶之兵亦已趕到臣卽督同率

領追殺十有餘里賊匪或爬越山嶺或旁奔深

溝向南逃竄維時天色已晚深山密箐不辨路
徑暫令紮營再行追剿此次共殺賊一百餘名
生擒賊匪男婦四十七名口十六日黎明復鼓

勵將士向南追躡左右窮搜又殺賊八十餘名
復於山林內搜獲牛驢刀矛等件拏獲賊匪七
十餘名口並一一研訊據孫必寬供稱係襄陽
人在姚之富股內昨日要往山陽聞有官兵未

不敢前去今要北出商州大路繞歸前夥我們在

東前行走不料就遇官兵被捉不知姚之富現往

何處等語餘供相同卽行正法其婦女幼孩解

送商州交秦承恩分別辦理臣查姚之富等非

常狡詐已就近知會叵瑞秦承恩躡探兜擒臣

仍一面於附近山內搜捕加意嚴防所有打仗

出力人員開單呈

覽均奏入

上命軍機大臣傳諭惠齡恒瑞興肇慶成日恒瑞興肇同日奏到剿賊情形恒瑞所剿山陽之賊殲斃一千餘名差強人意但訊據獲犯供稱姚之富本欲向鎮安一路奔竄被官兵截殺又往東去等語東去係何地方摺內未據聲明而賊首仍未就獲不足爲功現在姚之富及王李二姓全在山陽一

路恒瑞惟當倍加奮勉設法兜擒若能生擒首逆
是卽恒瑞之功與肇現在滌峪口相距不遠亦當
會合截拿其打仗出力之侍衛克色保前鋒校伊
長阿已另旨加恩外翼長富廉七十五侍衛丑保
如果始終奮勉著咨部議敘防禦扎勒杭阿打仗
陣亡實爲可惜著咨部加等優卹前鋒叅領烏勒
興阿防禦噶勒炳阿因傷身故亦屬可惜並著照

陣亡例議卹丑保祿成受傷尙輕目下醫治曾否
平復至恒瑞與肇所剿均係第三股之賊其頭二
兩股之賊昨據慶成等奏經官兵剿殺後敗逃西

竄究竟竄往何處慶成等如何乘勝追剿而惠齡
于荆紫關取道徑赴鄖西早當與慶成會合何以
未見奏報豈惠齡慶成所帶官兵較多轉不能如

恒瑞等之設法兜截著傳旨申飭卽速行迴奏

上諭內閣曰據恒瑞奏軍營奮勇各將弁三等侍衛
克色保著陞爲二等侍衛前鋒校五達色著陞爲
額外委前鋒叅領藍翎驍騎校祿成著賞給伊清

阿巴圖魯名號藍翎武舉馬昌傑著賞給勁勇巴

圖魯名號前鋒文泰朱爾杭阿驍騎校官保前鋒

英林武舉許揆中馬兵徐右山均著賞戴藍翎又
據興肇奏軍營打仗出力人員前鋒校伊長阿著

授爲額外委前鋒叅領協領喜卜產著賞戴花翎
前鋒克濟納著賞戴藍翎以示鼓勵

二十四日甲午陸有仁奏言臣於前月下旬連接

商州各屬稟報知賊匪分竄商雒並接秦承恩
咨卽調甘省兵二千名兼程前來臣因事在緊

急且不知恒瑞興肇等將入陝境當查甘省各
營官兵尙可抽調是以飛飭總兵富爾賽帶領

西寧等營兵丁星飛馳赴商州復思商雒一帶

道路分歧恐秦承恩難以兼顧是以臣復自行

上命前往并續調甘涼寧夏等營官兵飛赴商州會

剿茲於途中接准宜綿來咨派調肅州鎮標兵

一千名寧夏西寧二鎮兵一千名前往陝雒

一帶聽候臣因現調甘涼等處兵丁適符宜綿

所謂之數宜綿馳回陝境即可將此項官兵調

遣應用毋庸另行派撥當卽備文移覆一面飭

令該官兵等馳赴商維交秦承恩等調用

臣卽

遵

旨馳回蘭州駐劄以重地方奏入

上命軍機大臣傳諭惠齡恒瑞興肇慶成秦承恩曰

前據宜綿等奏請調派寧夏西寧等處官兵二千

名前赴商鄖一帶協剿與本日陸有仁所奏相同

秦承恩現在西牛槽剿賊自己趲賊匪初起之際
卽時撲滅何以至今尙未奏到該處一經竣事秦
承恩自應在興安商雒一帶彈壓防守不必遠赴
鄭西而續調寧夏西寧之兵自當卽赴鄭西幫同
堵剿

同日畢沅奏言據鄭陽府縣稟報豫境潰匪竄
入伏牛山擾至陝西商南一帶直逼鄭境現集

鄉勇堵剿惟兵力單薄急望援應等情臣查大

兵俱在豫境分投搜捕此時賊匪折向鄖陽自

必跟蹤追剿但鄖陽一帶必須兵力堵截庶期

兩面夾攻現在武漢一帶賊已去遠自應權宜

緩急約計劉君輔已將抵漢口臣現即飛行咨

會速將所帶官兵俱改由襄鄖察探情形何處

緊要卽由何處前進如賊已竄至鄖境漢口一

水可通行程迅速自可剋期趕至協力堵剿奏

入報

聞

二十五日

乙未

慶成巴克坦布訥音奏言

臣

等收

復鄖西縣治後分派將弁帶兵搜拏藏匿餘

賊於深谷密箐中搜獲一百四十五名

臣

等逐

一訊問僉供逆賊仍分股逃竄東南一股竄往

鄖西縣之夾河關西南一股竄向陝楚交界之

岔口賊數較多等語臣等正擬分兵追剿接據

鄖陽府知府王正常稟報署鄖西縣知縣秦錫

疇自長岡嶺督率兵勇與賊打仗衆寡不敵署

千總王棟左膀受矛傷兵勇被賊衝散當卽帶

印與典史李殿英查點兵勇人役前往赴府要

路東西豐山口堵禦初八九等日賊匪攻撲數

次該處山勢陡險該縣等督令兵勇截回今賊

夥南竄該縣東南冷水河一帶距漢江不遠恐

賊匪竄往搶掠該縣所帶兵勇力單聞官兵收

復鄖西懇請截剿等情臣等當卽率領馬步兵

向東一路繞截十二日至冷水河地方探聞賊

匪在西山溝相離僅十餘里臣巴克坦布德光

帶領步隊臣慶成訥音德齡帶領巴圖魯侍衛

馬兵馳往賊匪瞥見官兵並不拒敵向西奔逃

臣

等察看賊數無多恐係詭計誘我卽令步隊

扎住山梁

臣

慶成等先帶馬兵分兩路前往抄

截鎗打箭射生擒張齊李德等一百八十三名

訊據供稱係由豫陝一路入夥皆素習邪教之

人此股賊頭李全欲潛往江邊搶船過渡到此

忽聞官兵前來先已帶領乘騎騾馬大夥賊衆

連夜竄往陝西我們因無牲口照料自己家眷

不料被官兵捉獲等語訊無要供當凌遲梟示

臣

等帶兵查探賊蹤適有豫楚接濟軍火口糧

趕到令弁兵隨身裹帶兼程前進惟陝楚一帶

大山處處皆有習教之人愚民無知被奸匪勾

引執迷不悟此番各股賊匪竄走鄖西商南商

州一帶隨入逆夥者不下數千甚至攜帶刀矛

誤到官兵營盤尙稱尋覓某師傅見人則口念
咒語合掌叩頭山陽縣屬山僻村莊邪教尤多
竟有自焚其屋隨去者邪教煽惑至于此極現

聞恒瑞等帶兵已由商州一路截剿而來

臣等

卽將追剿竄匪情形差弁前往詳晰告知并約
會兩面併力夾擊以期速擒首逆殲滅妖氛

同日秦承恩奏言

臣

於十四日行抵西牛槽先

遣幹弁躡探路徑該處兩面皆山中有深溝一
道長十餘里山勢曲折岐路甚多賊於溝內屯
聚正在相機剿辦據鄉民王廷柱等報稱西牛
槽迤北三條溝地方有教匪多人聚衆不法查
三條溝係商州北界緊接藍田一出溝口卽係
赴省大路爲糧運文報經由之地距省二百餘
里必須先爲剪除當卽將所帶兵勇交叅將鍾

岳在西牛槽督率防堵一面將調赴商州之固
原兵三百名及大商原守卡鄉勇就近飛檄飭
調刻期到齊一面帶同遊擊張彪知州周光裕

馳往三條溝途次據義首生員李培新管蛟王
景運李飛鵬王殿臣等團聚保護村莊鄉勇八
百名情願隨同剿賊意甚誠懇

臣

當卽令西安

府知府吳沂抽帶鄉勇六百名抄赴三條溝後

路限十七日辰刻趕到諭以一聞鎗聲卽由後

路進擊

臣

布置齊備卽於十七日早督同張彪

周光裕帶領兵勇乘賊不防一擁而入賊匪各

執烏鎗刀矛直前抗拒我兵鎗箭齊發賊衆漸

形慌亂時吳沂帶領鄉勇由後路撲進兩面夾

擊賊匪首尾不能相顧遂俱潰散當被剿殺五

百餘人生擒一百七人其有逃匿餘匪俱經搜

戮淨盡兵勇間有傷亡擒獲各犯訊明俱係上年已正法陳言仕之徒因湖北逆首姚之富密遣袁紹連勾結起事別無緊要口供卽於該處

正法旋據叅將鍾岳自西牛槽稟報十六日寅刻賊匪帶領多人直撲營盤該叅將會同蒲州營都司种英傑率領兵勇奮擊施放鎗礮殺賊二百餘人餘匪奔潰我兵直前追捕匪徒越山

逃竄有投効從九品張英一前撲拏騎馬賊口
致中矛傷陣亡兵勇亦間有傷亡現在追至小
河口等情查小河口一帶路通山陽桐峪探聞
桐峪黑山等處有竄出楚匪屯聚滋擾必須厚
集兵力痛加截剿適西寧鎮總兵富爾賽聞信
趕至三條溝其所帶西寧兵三百名卽可到齊
臣當卽商同合兵一處順道將小河口竄匪先

行搜洗卽馳赴桐峪迎頭截殺至湖北頭二兩
股賊匪由商南縣屬之趙家沖併成一股竄至
鄖西復由鄖西折回山陽縣屬之十里舖適恒
瑞帶兵趕至截殺三百餘人餘匪逃竄山陽縣
屬之薛家溝屯聚該處距鎮安甚近

臣

前因鎮

安南達興安北通省會預調延綏兵一千名前
赴防堵計日內當抵孝義川現已飛札署總兵

田有成速赴薛家溝一路迎剿並探聞慶成等

已帶兵追至山陽自可兩面兜捕其三股賊匪

經恒瑞與肇兩路堵剿共殺斃八百餘人餘匪

翻山逃竄恒瑞等現在帶兵追剿臣復飛催山

西官兵前來接應再查商州暨所屬之商南雒

南山陽三縣因楚匪竄擾居民多被焚掠臣已

飭令藩司倭什布委員分途查看妥爲撫卹被

焚房屋照依災賑之例給與修費至雒南地方
現經貢生師承祖捐米一千六百石職員吳翼
先捐米八百石在縣屬之欒莊八岔一帶按戶
散給口糧俱係該職員等隨同地方官親身經
理甚爲周妥其有不能徧及之處仍應官爲撫
卹務俾災黎均各得所

上命軍機大臣傳諭惠齡恒瑞興肇慶成秦承恩曰

慶成等探知賊匪在西山溝地方竄聚分道抄截
殲斃多名訊據獲犯供稱賊首李全欲偷渡漢江
忽聞官兵前來賊衆連夜西竄等語前據恒瑞奏
在山陽周家河將賊匪痛加剿戮已往東竄又與
肇于澇峪口截剿北竄之賊紛紛奔逃是本日慶
成所奏西竄之賊卽係恒瑞與肇所剿之賊計山
陽東南必係郿西一帶恒瑞與肇由西北追剿慶

成等由東南迎剿正可兩面夾擊而惠齡前奏於
十三日由荆紫關取道徑赴鄖西何以尙未與慶
成等會合殊屬遲緩著再傳諭申飭此等邪匪據
慶成奏稱竟有攜帶刀矛誤到官兵營盤尙稱尋
覓師傅口念咒語可見奸民執迷不悟愚惡已極
必當大加懲創以淨根株但恐人數衆多其中亦
有始被煽誘而尙知畏法不敢從賊或實被裹脅旋

卽逃回者亦可量加安撫爲解散黨與之計惟在
惠齡斟酌辦理固不可稍有寬縱亦不可輾轉株
連致堅愚民從賊之心又據秦承恩奏剿淨三條
溝賊匪所辦尙好惟所稱恒瑞等剿敗賊匪逃竄
山陽縣屬之薛家溝屯聚該處與鎮安甚近等語
檢閱圖內鎮安係在山陽之西何以恒瑞昨奏在
山陽剿賊摺內轉稱賊往東竄方向不符又桐峪

黑山小河口三條溝地名前次秦承恩所進圖內
俱未繪出著將原圖發交閱看係在何方一併粘
簽貼說呈繳以便披閱出力之義民首生員李培

新等如果始終奮勉著秦承恩量其才具酌加錄
用陣亡投効之從九品張瑛著咨部加等議卹傷
亡兵勇亦著咨部從優賞卹又捐米較多之貢生
師承祖著賞給七品頂戴職員吳翼先並著秦承

恩查明係何職銜酌賞加級頂戴以示獎勵

二十七日

丁酉

柯藩奏言

臣

隨同宜綿等攻克金

峩寺賊匪後節據陝省文武員弁飛稟楚省賊

匪竄入商雒一帶交界處所滋擾焚掠當經宜

綿抽撥兵一千五百名交

臣

並鎮臣艾如文帶

領於四月初十日自川省軍營起程馳赴商南

一帶堵剿

臣

途次接白河洵陽兩縣文武員弁

稟報楚省賊匪已竄至鄖西茲擾屯兩縣交界

處所甚近稟請撥兵把守等情臣連夜僱行十

七日已抵興安查商南一帶賊匪現經慶成等

帶領官兵追殺而洵陽白河等縣情形較爲急

切臣自應先往該處剿除但聞賊匪詭計多端

分爲數股或扮官兵救援或稱官兵堵截以致

各鄉勇多受愚弄臣現帶之兵僅止千名勢難

分撥宜綿所調甘省之兵並撒拉爾回兵到來
尚需時日緩不濟急查有秦承恩派委興安彈
壓之延榆綏道溫承惠僱覓鄉勇一千名均係
昨歲冬間派往各處堵禦之人臣刻卽協同溫
承惠帶領馳赴洵陽白河相度賊匪情形何處
喫緊卽先往何處截殺奏入

上命軍機大臣傳諭惠齡恒瑞慶成秦承恩柯藩曰

柯藩帶兵行抵興安因白河洵陽距鄖西較近卽
赴該處防堵所慮亦合機宜現在由鄖西竄往山
陽之賊有慶成恒瑞兩面夾擊東面有惠齡迎截
而來東南有劉君輔馬瑀先後到彼西面有秦承
恩帶兵在小河口一帶北面有興肇帶兵堵截鄖
西賊匪未必敢竄往洵陽等處卽或翻山竄往諒
柯藩艾如文此時自己早到該處正可迎頭截殺

若柯藩艾如文能將首逆擒獲卽係二人之功不可不倍加奮勉也

二十八日

戊戌

惠齡舒亮奏言

臣

惠齡途次探得

鄖西縣治於阿爾薩郎未到之前先已失守適

接慶成知會該提督於四月初八日馳至鄖西

當將盤踞在縣之賊盡行殺退收復縣治隨卽

帶兵追往囑

臣

分兵前往會剿

臣

委員賈令飛

催阿爾薩朗速卽趕赴慶成軍營以資協剿十

七日行至鄖陽府臣舒亮亦已趕到適據竹山

縣稟報現有匪徒在板橋河天河口一帶滋擾

臣等當卽分路一由天河口一由板橋河行走

及至該處搜捕並無匪黨傳問土人據稱數日

前均已竄歸大駁由漫川關向北逃遁等語臣

等各帶官兵於十九日馳抵鄖西縣查得該縣

原無城垣四隅民房間有土墻駐有防汛千總

一員兵二十餘名因賊匪先由鄖縣界牌垭入

道河等處竄入縣屬之龍王廟地方經該署縣

秦錫疇糾集鄉勇前往擊退詎該縣屬紅廟地

方又有賊匪一股竄入歸併分爲數股於初五

六等日在老虎坡五里坪墨虎廟石板河等處

肆行滋擾各處雖有鄉勇不能抵禦該縣一面

差人赴府求援並因老虎坡五里坪爲入縣大
路尤關緊要當令千總王得勝典史李殿英迎
往五里坪截擊自帶鄉勇馳赴老虎坡堵截賊
匪分股前來將鄉勇衝散王得勝左膀受有矛
傷李殿英落馬跌傷右腿該縣秦錫疇望見縣
治東關火起知賊人業經闖入隨與千總典史
等齊集兵勇趕回救護見賊匪甚衆鄉勇潰散

勢難收復因東西豐口一帶爲漢江要岸恐賊人奪船搶渡擾及下游當卽帶兵收集鄉勇馳往該處防堵初八九等日賊匪分遣夥黨前往搶渡適該府王正常同都司郭廷樞帶兵趕至合力剿殺賊始退回慶成等已將縣治收復該府卽稟請慶成等帶兵前來兩路夾擊殺賊無數餘賊均向北竄由上津堡遁出漫川關直奔

山陽一帶現在慶成等已經追往今_臣等親往

察看縣署監庫均已燒燬倉廩未焚各官印信均係隨帶並無失落惟監犯二十餘名皆被裹

去此外民間瓦草房屋被焚十之八九現在被

難民人因聞官兵收復均已陸續歸來而家室

蕩然情殊可憫_臣已飭令該府縣先行酌給口

糧一面咨明汗新委員速來照例撫卹並將投

回拏獲監犯一併咨交該撫查辦惟查探賊蹤

已竄入陝西山陽縣境雖有慶成等帶兵追捕

而恒瑞與肇等聞在商州山陽交界兜剿姚之

富一股未能分兵前來並接秦承恩來信該撫

因商州所屬之西牛槽地方亦有匪徒蠢動現

在帶兵往捕且王廷詔李全等既已合夥復有

商南新附之賊爲數較多臣與慶成等所帶官

兵合之不過五六千名不能分撥防堵是以飛
咨秦承恩速於緊要隘口分安兵勇挖斷去路
不使賊匪竄越並恐賊匪因不能前遁或仍折

回豫楚交界之浙川等處亦咨明景安汪新一

體嚴加堵截現又探得賊匪王廷詔等復向西

南奔竄_臣等倍道星馳趕赴慶成等合兵一處

確加商酌相機兜剿

同日恒瑞與肇秦承恩奏言臣恒瑞於十六日

在山陽縣十里舖剿敗南來之賊復向西南奔

竄此股卽係王廷詔李全等賊夥慶成等嗣亦

趕至山陽高壩店已由彼處帶兵追往其十五

日臣恒瑞在周家河所剿之賊復經臣與肇在

澗峪截殺賊匪旋卽爬越大山向西而逸臣恒

瑞若僅帶兵尾追賊人勢必向藍田一路奔逃

是以卽由商州一帶抄截二十一日行抵小河

口適

臣

秦承恩與總兵富爾賽追剿西牛槽未

盡餘匪折向東竄

臣

恒瑞迎頭截住互相知會

一面分派官兵在各要隘嚴堵將賊匪逼入深

溝

臣

等督率官兵由兩溝口同時並進賊人無

路可逃捨命衝撲我兵兩面夾擊賊首尾不能

相顧立斃六百餘名生擒賊目韓有成並夥匪

八十五人訊明俱係西牛槽一帶居住民人素習邪教今被楚匪勾結起事欲往前合夥不料盡被官兵剿擒餘無要供均卽正法所有西牛

槽竄匪已全數殲除淨盡臣興肇因賊匪西竄

距潞峪已遠亦卽趕至與臣恒瑞秦承恩會晤

共同商酌查秦嶺口係藍田商州鎮安交界之

處北通省城甚關緊要臣興肇帶兵馳赴該處

擇險防堵以杜賊匪北竄之路其澗峪地方臣

秦承恩另派兵勇前往防守再填據雒南縣稟
報該縣石板溝地方亦有楚匪勾結本處教匪

起事臣秦承恩同富爾賽帶領官兵馳往剿捕

至姚之富一股賊匪因官兵在北面兜截復向
南奔逸想係欲與王廷詔李全等賊夥歸併一

處臣恒瑞同碩雲保富成仍帶原領之兵覓路

前進上緊剿辦均奏入

上命軍機大臣傳諭惠齡恒瑞與肇慶成秦承恩曰
前因惠齡行走遲緩降旨屢催連日盼望奏報乃
本日遞到之摺祇係行抵鄖西查明縣治情形皆
係空言十餘日前舊事大屬非是前此賊匪在鄖
西滋擾旋即逃竄四月初七八日之事彼時係慶
成到後亦不過搜捕零星餘匪不得謂之收復縣

治何況惠齡到彼已隔十餘日之久並未趕上賊
匪何得復將收復縣治情形鋪敘閱之徒亂人意
且賊匪早經竄至山陽商州一帶而惠齡尙慮其
折回豫楚知會景安汪新派兵防堵調度茫然惠
齡初到襄陽尙覺差強人意及見賊匪東奔西竄
竟漫無佈置行走遲延不但總落賊匪之後抑且
又落別路帶兵大臣之後惠齡身爲總統一切機

宜皆資籌運朕方以剿捕事竣不拘何路帶兵大

員拏獲賊首其首功總當歸之惠齡乃如此遷延

遲誤於事後拾人唾餘以一奏塞責是惠齡不但爲

永保之續竟永保之不若看來難望振作非特不

能立功並有應得之罪著先傳旨嚴行申飭至前

據慶成等奏賊首李全等在鄖西欲偷渡漢江經

慶成等分路抄截賊衆連夜往西北逃竄慶成等

卽帶兵跟蹤追剿而恒瑞於山陽縣東十里舖地方見有賊匪一股自南而來直撲山陽據稱此股賊目係王李二姓自卽係慶成等所追之賊當經恒瑞等剿退恒瑞亦應跟蹤追剿且慶成奏稱已差弁知會恒瑞等帶兵夾擊正可會合攻剿何以慶成並未趕上此股賊匪尙須躡探賊蹤是慶成等亦落賊匪之後沿途有何逗留之處而恒瑞於

山陽十里舖剿退賊匪之後豈未得慶成差弁約
會信息何以不直前跟追乃轉至小河口幫同秦
承恩截剿西牛槽餘匪安有捨賊不追而轉幫助
他人之理看來恒瑞慶成追殺賊匪情形及差弁
知會之處俱有不實著各行據實明白回奏至阿
爾薩朗經惠齡派赴三尖山防守後因賊匪擾至
鄖西復檄催趕赴慶成處協剿三尖山距鄖西不

遠何以阿爾薩朗總未趕到與慶成等會合是其
延緩之咎已無可辭此次派往帶領健銳火器二
營官兵大員四人內巴克坦布碩雲保訥音尙各
奮勉殺賊惟阿爾薩朗並無出力之處是其選懦
無能已可概見亦著明白回奏若再不知愧奮恐
不能當此重咎也雖南石板溝地方又有匪徒滋
事秦承恩已同富爾賽帶兵前往剿捕諒不難卽

時撲滅者秦承恩於剿竣後酌量情形若賊匪尚在陝西邊界一帶竄聚秦承恩自應帶兵幫同恒瑞慶成等合力兜擊如賊匪已出陝境軍營帶兵之員甚多商雜興安一帶地方亦關緊要秦承恩卽當在陝省邊界駐劄防堵不必再向前追以致不能兼顧也

二十九日

巳亥

宜綿明亮德楞泰等奏言伏查賊

匪分屯重石子香爐坪互相首尾其東茨菇梁

其西富成寨兩處據險設卡以爲障蔽臣等細

加籌酌若賊匪復與王家寨方山坪之賊勾結

勢更鴟張必須嚴密防範分投撲奪庶不致曠

日持久遂派叅將增順等帶領兵勇駐劄大羅

坪叅將雷仁等帶領兵勇駐劄古隘口都司三

格等分帶兵勇駐劄瓦窰壩雙河場等處防其

竄入王家寨提臣穆克登阿副都統職銜西津
泰駐劄羅江口防其窺伺達州副將達桑阿等
駐劄羊烈子副將王承勳等駐劄江口梁叅將
瑪靈阿駐劄金峩寺防其南入新寧東回故巢

臣明亮率索費英阿侍衛巴圖魯等連攻富成

寨賊卡穆克登阿西津泰由羅江口抽撤兵勇

前往協剿臣德楞泰率達音泰朱射斗巴圖魯

侍衛等進攻茨菇梁賊卡觀成奎舒明興率遊
擊李逢春等由鐵丁埡帶領兵勇前往協剿並
飭鎮臣百祥等速行相機攻取王家寨十二日
方山坪賊匪四五百人欲赴重石子合夥直撲
大羅坪經增順及遊擊圖興阿典史余永寧等
竭力擊退其同時往劫古隘口營盤之賊經雷
仁及都司李泐等督率兵勇奮勇剿殺相持一

晝夜賊匪始行敗退其羣寇壩雙河場二處賊

匪亦分隊衝突經都司三格等截殺而退十三

日方山坪賊匪來撲王家寨之鷹背嘴頭卡遊

擊謝開先率鄉勇堵禦而王家寨之賊二千餘

人下山從後湧至義首武舉邢彪監生王選力

戰陣亡勢甚危急百祥及知府李杭等密計王

家寨賊率衆下山其巢必虛當派遊擊哈三泰

等帶領兵勇由東水卡潛進遊擊王相龍等帶
領兵勇暗取板橋子要卡守備李廷臣等帶領
鄉勇由白罐子進攻百祥李杭率都司蘇維龍
等帶兵急援鷹背嘴賊匪分投抗拒正在酣戰
之際千總拜登鰲把總陳子現外委楊必著撲
上水卡拜登鰲陳子現皆受傷陣亡楊必著
拋擲火彈將草房燃著哈三泰等併力奪卡守

寨之賊尙有千餘人急往救援王相龍及守備

李廷臣知縣王駿猷席世綱兩路俱至遂入賊

巢放火燒寨賊衆在鷹背嘴望見火光知巢穴

有失無心戀戰趕回搶救百祥等乘勢追殺哈

三秦王相龍等亦自上壓下兩面夾攻賊衆大

潰殺死賊匪五百餘名生擒陳有才等二十一

名落巖跌死者無筭餘匪俱逃回方山坪奪獲

大礮過山鳥鳥鎗刀矛共三百餘件留貯備用
糧食牛馬除分賞出力兵勇外尙餘穀一千二
百石撥交糧台碾米備用其日重石子香爐坪
之賊亦分路來撲我兵營卡欲爲王家寨方山
坪應援俱經臣等督率兵弁施放鎗礮擊敗而
去十四日霧雨交作臣等議計茨菇梁富成寨
兩處賊人正在設卡天雨必不準備我兵掩至

可望得手遂派副將德寧等帶領官兵分路前進已午間雨勢更大我兵皆在泥水中攀援而上賊人始猶滾木擲石捨死抗拒千總馬彪秦廷玉受傷殞命賊人究因寨柵初立尙未完固且我兵奮勇異常賊人力不能支棄卡而逃互相踐踏殺斃及墮巖者不計其數生擒一百一十三名同王家寨解到之陳有才等二十一名

誅無要供立予駢誅臣明亮等進據富成寨臣

德楞泰進據茨菇梁距賊巢甚近並據百祥報

稱移駐大羅坪爲進攻方山坪之計其路通巴

州之江口臣等另派守備張東林協同巡檢余

廷勳帶領兵勇在對河嚴密防守一俟天氣晴

明臣等卽親率將弁兵勇分投攻擊務期一鼓

蕩平肅清川境此次出力文武員弁俟查明同

前奪獲賊卡攻破賊寨連次出力員弁統行開

單請

旨加恩並陣亡兵勇造冊咨部賞恤

同日慶成巴克坦布訥音奏言賊匪自經剿散

分三股逃竄頭起賊目王廷詔等一股首先竄

入豫省經臣景安督兵進剿二起賊目李全等

一股係臣慶成等於光山截回亦竄入豫省至

堯窰溝地方兩起逆賊合夥在山嶺間晝夜狂

奔^臣等督兵兼程抄截所過深山僻徑不但糧運

難通與惠齡恒瑞等亦相隔寫遠音信稽遲至

商南縣屬之趙家沖在該縣迤西二百餘里亦

係山僻小路距秦承恩駐劄之處尙有三四百

里均未得有確信是以^臣等前奏不能一一聲

敘其第三起賊目姚之富等一股逃往商州地

方^臣等探聞恒瑞等督兵進剿又有肇興及添

調之兵均已前往該處且頭二兩起賊匪先後

俱已奔回楚境擾及鄖陽^臣等連夜督兵前往

截剿未能前赴恒瑞秦承恩一路會合至各起

賊目名姓及奔竄方向^臣等屢次詢問拏獲之

賊衆供如一與惠齡前奏情形亦屬符合謹於

原圖內更正粘簽另繪賊匪奔竄方向及官兵

截剿道路圖說恭呈

御覽現在_臣等選帶弁兵均屬精壯仍卽兼程進攻

并與恒瑞差弁往來確商恒瑞等由西北面截

剿又有興肇秦承恩在彼堵截_臣慶成等卽由

東南一帶抄截_臣巴克坦布訥音阿爾薩朗帶

健銳火器兩營官兵緊追惠齡已自鄖陽帶兵

不日可到務使二股逆匪俱歸一處各路官兵

得以併力剿洗設法早擒首逆均奏入

上命軍機大臣傳諭宜綿明亮德楞泰曰宜綿等奏
督率官兵攻克王家寨賊巢並茨菇梁富成寨兩
處賊卡乘天雨無備之時分投奪獲所辦可嘉宜
綿明亮德楞泰著各賞金盒大小荷包觀成穆克
登阿著各賞銀玲瓏盒大小荷包奎舒百祥索費
英阿達音泰朱射斗西津泰明興著各賞青玉搬

指大小荷包百祥乘機攻取王家寨賊巢尤爲出力該鎮前在孝感帶兵打仗業經賞戴花翎著加恩賞提督銜其出力文武員弁俱著咨部議敘此
次官兵能冒雨進攻均屬奮勉著查明加恩各賞給一月錢糧以示鼓勵其陣亡之千總拜登熬馬彪秦廷玉把總陳子現武舉邢彪監生王選俱著咨部加等優恤此時賊匪屯聚祇有重石子香爐

坪方山坪三處何以尙有二萬餘人之多此次雖
已攻克王家寨等處殲戮擒拏之賊僅祇六百三
十餘人爲數無多宜綿等務須趁官兵勝勢奮勇
進攻現在山陽迤西一帶竄匪尙未剿竣首逆均
未就擒該處帶兵各員一籌莫展措置乖方看來
不足倚恃且恐西南一帶空虛或乘間竄入興安
則達州賊匪豈不又添黨與著傳諭宜綿等速將

重石子等三處賊巢殲洗淨盡卽帶領得勝官兵
馳赴鎮安山陽一帶會合截剿若宜綿等一時不
克分身或於鎮將中擇其妥幹者酌派一二人帶
兵數千迅速馳赴鎮安興安一帶探聽賊蹤迎頭
截剿方可絕賊匪西竄之路想宜綿等距彼處較
近此時或已預籌及此更爲妥善

上又命軍機大臣傳諭惠齡恒瑞興肇慶成秦承恩

柯藩曰昨日慶成等因剿捕賊匪並不直前跟追
總落賊後業經諭令明白回奏今據慶成等覆奏
追剿情形甚不明晰且至今數日仍未打仗殺賊
伊等所司何事而奏到之摺及所進圖說詳加覈
對其中舛錯之處甚多如頭二股賊匪前據奏稱
均係慶成帶兵追剿其第三股賊匪係恒瑞興肇
景安帶兵追剿本日摺內則稱頭起賊目王廷詔

等首先竄入豫境經景安督兵追剿二起賊目李
全一股經慶成等於光山截回卽行兼程抄截又
似頭股賊匪並非慶成追剿情節已前後不符又
前據慶成等奏賊首李全等在鄖西欲偷渡漢江
經慶成等帶兵截殺仍向西北逃竄復經恒瑞於
山陽縣之十里舖擊退東竄是賊匪自必仍竄回
鄖西一帶乃閩圖內所繪賊匪屯聚處所又俱在

山陽迤西地方且賊匪既向山陽迤西奔竄附近
鎮安地方豈不正遇恒瑞而慶成等亦應在西南
邀截何以摺內又稱現由東南抄截况賊勢現距
鎮安不遠而恒瑞轉在東北慶成轉在南面追剿
其西南鎮安及石泉漢陰一帶地方空濶並無官
兵堵截不但恒瑞慶成等均落賊後而惠齡前赴
山陽劉君輔馬瑀先後馳赴郾西亦俱離賊甚遠

又前據恒瑞奏在山陽縣東十里舖遇賊打仗賊
匪敗往東竄而今日慶成所進圖內似恒瑞在山
陽之西北與肇泰承恩又在恒瑞之北三股賊匪
皆在山陽之西而慶成轉在山陽之西南若果如
慶成所言是恒瑞前奏山陽東竄之賊又復折而向
西恒瑞並未跟蹤追剿轉於西北無賊處所間住
而慶成前奏賊匪由鄖西北竄山陽伊卽尾追前

來差弁與恒瑞會合兩面夾擊之語竟屬紙上空
談再柯藩前奏伊由興安前赴洵陽堵截賊匪今
閱圖內洵陽在山陽之正南鎮安在山陽之正西
賊匪既近鎮安一帶屯聚而柯藩若抵洵陽又是
無賊處所該員係本省提督豈無營汛稟報安有
不尋覓賊蹤轉向無賊之處行走且閱圖內賊匪
既近鎮安一帶屯聚自思竄赴興漢興安是柯藩

來路自應與賊相遇豈有不於中途攔截轉由他途避赴洵陽之理若非慶成等所奏不實卽所繪

之圖方向錯誤現用硃筆標識著將原圖發交惠

齡恒瑞秦承恩閱看將指出情節另行詳晰繪圖

貼說迅速呈覽此時柯藩若於途次探聽賊蹤趕

往剿殺固屬甚善倘已行抵洵陽卽著該提督同

艾如文迅速迎赴鎮安一帶會同圍剿並令劉君

輔馬瑀亦探聽賊匪屯聚處所迅往協擊不可因
慶成等措置乖方稍存觀望至慶成年力方壯世
受國恩自當奮勇出力立功自効今種種遲誤遷
延日久此次奏到圖摺前後乖錯毫無寸功足錄
看來竟難倚恃慶成等著傳旨嚴行申飭並各明

白回奏

臣
等謹按軍營領兵大員凡於攻擊情形賊

蹤地勢均當確實奏陳方可上備

披覽仰稟

睿謨此次教匪被官兵四路分擊散漫奔竄本無定向各路帶兵人員從而轉折馳驟朝東暮西重以山林阻越自不免有顧此失彼及陳奏未實之處蒙

皇上洞燭幾先前已

諭令繪圖呈進每次奏報到時必一一詳覈今以慶
成等所奏圖摺多有歧異詳細

指出

降旨詢問仰見

心鏡高懸於數千里外情形瞭如指掌豈握鈴運籌
者所能企及哉